



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lvitprandi Ticinensis Diaconi Opvscvlvm, De Vitis
Romanorvm Pontificvm**

Liutprandus <Cremonensis>

Mogvntiae, 1602

LX. S. Silverivs.

urn:nbn:de:hbz:466:1-11115

IOANNES II.

A.D. XXXI.

IOANNES, natione Romanus, ex patre Proiecto, sedit annos 2. menses 4. dies 6. Fuit autem Athalarici Regis, & Iustiniani Augusti temporibus. Ordinavit autem Episcopos 21. presbyteros 15. Obiit autem 6. Calend. Iunii. Hic Valerio Episcopo epistolam misit, in qua ostendit, & ratione, & auctoritate multorum probavit, filium minorem quidem esse patre in assumpti hominis forma, æqualem verò Patri esse in deitatis naturæ substantia, & hoc fecit ideo, quia quidam erant apud eum, qui negabant filium Patri esse æqualem.

LIX.

S. AGAPETVS.

A.D. XXXV.

AGAPETVS, natione Romanus, ex patre Gordiano presbytero, sedit annos 11. dies 19. Hic ordinavit Episcop. 11. diac. 4. Hic libellum anathematis in Dioscorum, cui Bonifacius invidiæ stimulo ductus presbyteros, & etiam Episcopos subscribi compulerat, incendio dedit. Iustinianus autem Theodato regi fuerat indignatus, eo quod ipse reginam Amalafintam Theodorici regis filiam sibi commendatam, occiderat. Unde rex prædictus timens indignationem Augusti prædictum Papam Constantinopolim ad Imperatorem direxit. Qui à Iustiniano Augusto honorificè susceptus post lōgam altercationē Anthimum eiusdem ciuitatis Episcopum in Christo duas naturas negantem, conuicit, & à communione Christianorum suspēdit, & isto in exilium deportato alium Episcopū, nomine Mennam, virum Catholicum in eius loco consecrauit. Post verò ægritudine captus ibidem idem Constantinopoli 10. Kalend. Maii est defunctus. Idem Papa, antequam veniret in Græciam Anthimo epistolam misit, in qua ipsum ab errore suo ad veritatem Catholicæ fidei redire hortando prudēter commonuit.

LX.

S. SILVERIVS.

A.D. XXXVI.

SILVERIVS, natione Campanus, ex patre Ormisda Romæ Episcopo, sedit annum 1. menses 5. dies 40. Hic ordinavit Episco. 18. presbyteros 14. Hic sine deliberatione decreti à Theodato tyranno constitutus est. Qui corruptus pecunia, talem clero indixit

L

timo-

timorem, vt qui eius ordinationi non consensisset, sine dubio gladio puniretur. Itaq; Siluerio sub vi & metu iam ordinato tandem subscripserunt in eius confirmationem secundum morem presbyteri. Post menses autem duos prædictus tyrannus nutu diuino extinguitur. Dolens autem eo in tempore Theodora Augusta Anthimum patriarcham à B. Agapito fuisse depositum, & in eius locum Mennam subrogatum, consilio cum Vigilio diacono inito Siluerium litteris obsecrauit, vt vel ad se festinanter veniret aut Patriarcham Anthimum in locum reuocaret pristinum. Qui dum lectis litteris, quamuis vitæ finem per huius causæ occasionem timeret, tamen fiduciam habens in Domino rescripsit Augustæ, nunquam se reuocaturum hominem hæreticum in sua nequitia damnatum iustè. Vnde indignata Augusta Bellisario patritio iussit, vt Siluerium occasione quacunq; inuenta deponeret, & Vigilium Archidiaconum, qui Anthemiū reuocare promiserat, in eius loco substitueret. Qui (hac eadem occasione inuenta, vt Romanā Urbem Gothis tradere vellet) cum ad se vocatum, & clero & populo ad primum & secundum velum retentis, stolam & albam fecit ei auferri, & veste monachica indui iussit. Et hoc negotio impietatis audito, hi, qui cum eo venerant, fugerunt: & Vigilius Archidiaconus, quasi in sua fide eum suscipiens, Pontum exilio relegauit, vbi pane tribulationis, & aqua angustiae sustentatus tandem deficiens in eodem loco 12. Kalen. Iulii confessor defunctus est, vbi ægri multi sanantur.

Hic epistolam rescripsit Amatori Episcopo, in qua & hoc postulanti, qualiter circa se actum fuerat, breuiter enarrauit, & officium suum non ideò dimisisse, sed congregatis Episcopis, quos potuit, illos, qui ipsum deposuerant, se anathematis vinculo obligasse significat, & cæteros, qui deinceps vllum Episcoporum ita deciperent, anathema maranatha fieri dixit.

23. q. 4. c. Bellisarius.

25. q. 2. c. sic de set.

ITEM Vigilio iam Papæ constituto epistolam in suam damnationem misit, ita inter cætera dicens. *Habeto ergo cum his, qui tibi consentiunt pœna damnationis sententiam, sublatumq; tibi nomen & munus ministerii sacerdotalis agnosce, Spiritus sancti iudicio, & Apostolica à nobis auctoritate damnatus. Sic enim decet fidem Sanctorum in Patrum in Ecclesia seruari Catholica, vt, quod habuit, amittat, qui improbabiliter temeritate, quod non acceperat, assumpserit.*

LXI.

VIGILIVS.

A. D. XL.

VIGILIVS, natione Romanus, ex patre Ioanne, consule, sedit annos 17. menses 6. dies 25. Hic ordinauit Episcopos 81. presbyteros 46. diaconos 16. Eo autem tempore, quo Theodora Augusta Vigilium in sede Apostolica, sicut ipsa iusserat, constitutum fuisse